

Baŋa na bhisì gba Polo pì omabhuka na gùdù na Tesalonike

© 2016 Wycliffe Bible Translators, Inc.

Licence - Creative Commons CC:BY-NC-ND

Balua na bhisi

gba Polo pi omabhuka na gudhu na

Tesalonike

Eli na kalanu

Li nadjé lio de-e pindji nago gba Kilisito adu lie agbe tolo bhú Dadjua gba Ebhe na Tesalonike-e, Polo atsia aye balua na bhisi gba e inde-e pindji nabhuka inde me ekpí nago gba ngámá-a akolo. Aní atsia apa me a mo-o ade, do aní de-e, kala nago ka Kilisito-o, engú nasisiti di ne bhe nato mbolo li okpála-a, inde ayíe ka kpála na tsulutsulu u a'i me «Bhulu yala» adú naali ané mane (2:3). Kpála ango-o adú nagn Kilisito.

Polo ngapa pi okpála i ngatanga balua inde-e me, u lu bha kpekpeke bhú nabhuka, abana okpekpeke da 'ngú ne olikabhu du bha pi-ie, u du bha namene kulu ngubula nasia mukobho maka li Polo ne obi e ngamemene lie-o, amba u du ne 'ndjá bua ne namene bádha 'ngú.

Ongbengbe ongú inde bhú bhuku inde-e ngae inde:

Eli na kalanu 1:1-2

Natoko ne nadhege 1:3-12

Lili pindji nago gba Kilisito 2:1-17

Engú inde a ayo ngubula mukobho gba makilisito 3:1-15

Eli na soso 3:16-18

1

Polo ne obi e yi omabhuka na gudhu na Tesalonike mayi

¹ Ngayi omabhuka na Dadjua gba 'Dyi ní Ebhe di ne Ngámá gba ní Yesu Kilisito na gádhú na Tesalonike-e, ya yi yi mayi. Ma aye balú inde-e ngama Polo, bhú dabilí bini ne Silivano di ne Timoté. ² A ayo me bádha bhú 'bu ne guo 'ngú gba 'Dyi ní Ebhe di ne Ngámá gba ní Yesu Kilisito-o dæ ne yi bhú dabilí bini.

Polo agie heni pí Ebhe, aní atsia ato masi bhú omabhuka

³ A ayo me ya gie heni pí Ebhe ndæ 'kpí hana ngúbula yi ondaise ya. A la bhadi ndjindji me ya mene moko, anga nabhuka gba yi-e nganæ ne kalanæ naali. La di-e, makúnda lí ndæ yi hana nde ne e sánda yi-e nganæ ne kalanæ. ⁴ Kaka-a, ya ngapa 'ngú gba yi-e ne gindaginda bhú oDadjua gba Ebhe kabula kekele di ne nabhuka gba yi, abana u ngato mbolo lí yi lie di ne yi ngazæ líkabhu lie ne ndæ kpadji hana-o.

⁵ Bhobhomæ-o ngasuno me Ebhe ngakodho 'ngú ngbingbili. Padhá de, anga ka olikabhu inde yi ngazæ e-e, Ebhe aú me yi atí ne nali bhú Naæ gba ní inde yi ngazæ líkabhu ngú e ko. ⁶ Lí Ebhe nde lie ne ngbili kpála-a , aní agíe olikabhu pí okpála inde í ngaha líkabhu pí yi ko. ⁷ La di-e, aní ahá guo 'ngú pí yi okpála inde ngadje líkabhu, aní tsia há di guo 'ngú pí ya. Aní améne ongú bhomæ-o lí 'kpí lí Ngámá gba ní Yesu ayíe lie abhúlá, aní tsia gó bhú dabilí bini ne oandjelu na angu gba e-o. ⁸ Aní agó bhú dingidhi djua ngúbula na'o 'ngú pí okpála inde í kúnda nambíla Ebhe de, inde ngayala di nazíba Bádha Ngali gba Ngámá gba ní Yesu-o. ⁹ Makalá na siti 'ngú gba uo-o, adú líkabhu na dædæma, lí bilí inde u adú lie de Ngámá Yesu ne Naæ na sangu di ne angu gba e tsutsu-o. ¹⁰ Engú ango-o akódho 'kpí lí 'kpí aní agó lie ngúbula me ndæ okpála gba ní hana inde abhuka ní-e, dhөгө ní, amba u toko di ní. Ngayi di-e, yi adú bhú ká okpála bhomæ. Padhá de, anga yi abhuka ngali inde ya akpokpo e pí yi-o.

¹¹ Kaka-a, ya di ngayo Ebhe ndæ 'kpí hana ngúbula yi me Ebhe gba ní-e mene me yi dhækú lí lele maka aní a'í yi lie-o. Ya ngayo ka aní me bhú angu gba aní-e, aní ha angu pí yi ngú namene obabadha kulu inde yi akúnda namene e akólo lí soso, kabula nabhuka gba yi bhú Yesu-o. ¹² Ya la di ngayo Ebhe ngúbula me,

okpála dhøgø 'li Ngámá gba ní Yesu kabula yi, amba u dhøgø di yi kabula ani. Bhobhomu-o améne lie ka bádha bhú 'bu inde li 'Dyi ní Ebhe di ne Ngámá gba ní Yesu Kilisito asuno e pi yi-o.

2

Bhulu Nayala líli gba Ebhe-e agó ngaiza kalanu

¹ Ondaise ya, Ngámá gba ní Yesu Kilisito agó mago, ní tsia pókøbhø bhúla ní de ani. Li 'ngú angø-o, ya ngayo ka yi me, ² bua yi angámba má gala de, 'ndji yi angbínji di-i de. Yi dje ka kpála bini me Bu Bhobua apa pi ní me: «Ekpí nago ka Ngámá akolo», ne me ya apa pi ní mo-o, i du di-e me ya aye bhú balua mo-o, yi azíba de. ³ Kpála bini apíte belegu yi de má kpó! Padhá de, anga kala nago ka Ngámá Yesu-o, agó ngaiza ne nedhinga na kpéke 'ndji li 'ngú gba Ebhe. Pipita-a, li Bhulu Nayala líli gba Ebhe-e kóto. Kpála angø-o ngakpata kpadji na djua na duduama. Ebhe andjía engú gba ani-e mandjia. ⁴ Kpála angø-o ayie bhúlá, ani há 'gú ne Ebhe di ne ndu øehe koko hana inde li okpála ngau e maka øebhe, inde u nde la di ngadhøgø o-o. Ani tsia pá me ní ane ndu uo hana. Ani anú nandu belegu bhú 'ngbé 'ti Ebhe gba omaYuda, ani tsia pá me ní ne Ebhe.

⁵ 'To yi a'íli de me nedhinga ní adu nga bha lie ne yi-e, ma adu apa engú inde-e pi yi uu-o de. ⁶ Yi mbíla la bhadi hana me øe inde ngani kpadji pi kpála angø-o me ani akóto mbia inde-e de-e ne ní-ie, amba ani koto bha bini li nedhinga inde li Ebhe a'o e pi ani-o. ⁷ Padhá de, anga angu inde awo lie mawo gba kpéke 'ndji bhomu-o akpo lita kulu akpo. Engú bini, kpála inde ngani kpadji pi ani-e adú nga bha o-o akólo li nedhinga u a'é ani lie-o.

⁸ Abhomu-o, li Bhulu Nayala líli gba Ebhe-e tsia kóto. Ngámá Yesu bhéle ani bha ne mbulu 'wo e, ani tsia ndjía angu ani ne sangu inde ani agó ne ø-o. ⁹ Bhulu Nayala líli angø-o agó bhú angu gba Satana , ani tsia méne ndu djua ongamba 'ngú , ne ndu okiaka 'ngú hana, di ne ongbengbe 'ngú ngú napite okpála. ¹⁰ Ani améne ndu djua osisiti 'ngú hana ngubula napite okpála bhende ngakpata kpadji na djua na duduama-o. Ebhe andjía engú gba uo-o mandjia, anga u

kũnda kũkũlũ 'ngũ inde i tí da nako nakobho uo-o de, u tsia bhuka di kũkũlũ 'ngũ ango-o de. ¹¹ Kaka-a, Ebhe ató siti mabhundja bhũ uo, i tsia píte uo ngũbula me u bhuka ongũ na eu, ¹² amba Ebhe 'o 'ngũ pí ndũ okpála hana inde i bhuka kũkũlũ 'ngũ de-o, inde adũ akpi mangbo ndjili li siti 'ngũ-o.

Yi lũ kpekpeke bhũ 'bu nabhuka

¹³ Ondaise ya inde li Ngámá akũnda o, pi ya-a, a ayo me ya gie heni pi Ebhe ndũ 'kpí hana li 'ngũ gba yi-o. Padhá de, anga Ebhe abhũ nani yi nayie li lilita ngũbula me yi sia mũkobho li kpadji gba Bu Bhobua inde ngamene me yi dũ bubu, di ne li kpadji na nabhuka inde yi nde ne e bhũ kũkũlũ 'ngũ-o. ¹⁴ Ebhe a'i yi me yi sia mũkobho bhomũ-o li kpadji na Bádha Ngali inde ya akpokpo e pi yi-o. Ani a'i yi me yi sia di sangu gba Ngámá gba ní Yesu Kilisito-o. ¹⁵ Kaka-a, ondaise ya, yi lũ kpekpeke bhũ 'bu nabhuka gba yi-o. Yi lila kpekpeke ongũ inde ya asuno e pi yi nedhinga ya adũ lie agba yi di ne bhe ya aye e pi yi bhũ balũ-a-o.

¹⁶⁻¹⁷ A ayo me Ngámá gba ní Yesu Kilisito ngae makpe di ne 'Dyi ní Ebhe, bedhe bua yi ne masi. A ayo me u ha angu pi yi ngũbula me yi dũ namene ndũ 'kpí hana bádha 'ngũ, abana i dũ bhũ nagama 'ngũ, abana i dũ bhũ namene kulu. Padhá de, anga Ebhe akũnda ní, ani aha di kpéke bua na dũdũma pi ní ka bádha bhũ 'bu gba e-o. Ani atsia amene di me ní 'o 'to ní 'to ni na paká paká.

3

Polo apa pi omabhuka me u yo Ebhe ngũ ni

¹ Ngũ nabu tata-a, ondaise ya, yi yo Ebhe ngũ ya, amba eli gba Ngámá-a yangba má gala, amba okpála inde ngadjedje-e, mene engũ inde li eli ango-o ngapa e maka yi ngamemene lie-o. ² Yi yo di Ebhe me ani kobho ya sakpa osisiti okpála na mbedhembedhe-o. Padhá de, anga a ko de me ndũ okpála hana akũnda nabhuka Bádha Ngali-e de. ³ Engũ bini, Ngámá Yesu ne kpála inde amemene engũ maka ani apa lie-o. Ani ahá angu pi yi bhũ nabhuka, ani tsia líla yi sakpa Siti. ⁴ Ya abhuka ne 'li Ngámá Yesu me, engũ inde ya ngapa e pi yi-e, yi ngamemene moko, yi améne la bhadi mo-o ne kalanũ. ⁵ A ayo me Ngámá leke

bua yi ngú nambila lele maka li Ebhe akúnda yi lie, di ne lele maka li Kilisito ngaha kpéke bua pi yi lie bhú nabhuka-o.

Polo agbele 'dje omabhuka li 'ngú na ipio

⁶ Ondaise ya, ya apa pi yi ne 'li Ngámá gba ní Yesu Kilisito me, yi akpétse liyi bhú dabilí bini ne ondaise ní na ipio, inde i kpata líli inde ya aha e pi yi de-e de.

⁷ Padhá de, anga ngayi makpe-e, yi mbila maka a ayo lie me yi kpata lele mukobho gba ya-a ndjindji. Nedhinga ya adu lie agba yi-e, ya du ne ipio de. ⁸ Ya yo ka kpála bini de me ani ha 'zu pi ya padhá-a de. Engú bini, ya aziba ndala ne likabhu, ya atsia amene kulu ngbikpi ne sukpe ngú napa me ya adhá bhú kpála bini bhú ká yi de. Ne soyez pas des paresseux|CN01655b.TIF|span|||Yi adu ne obhulu ipio de|3:8 ⁹ A ayo nako me ya sia 'he ka yi padhá, engú bini, ya mene nako mo-o de, anga ya akúnda me yi kpata lele mukobho gba ya-o. ¹⁰ Nedhinga ya adu lie agba yi-e, ya aha líli inde-e pi yi me: «Li kpála kúnda namene kulu de-e, a ayo di de me ani zu 'he-e de.»

¹¹ Ya ngapa mo-o, anga ya adje me okpála koko bhú ká yi ne ipio. U memene kulu de. U bha bini nga'o 'to o li 'ngú bhe i tsia o de. ¹² Pi okpála bhomu-o, ya ngagbele 'dje uo, ya di ngayo ka uo ne 'li Ngámá Yesu Kilisito me, a ayo me u mene kulu maka ayo lie, amba u sia ezú inde akoto li 'kpa o makpe.

¹³ La pi yi ondaise ya-a, yi andála li namene bádha 'ngú de. ¹⁴ Li kpála kpata engú inde ya aye e pi yi bhú balua inde-e de-e, yi de bhele djila yi li ani. Yi améne 'he bhú dabilí bini ne ani de, ngubula me ani dje namu. ¹⁵ Engú bini, yi aú ani maka bhulu yala ka yi de. Yi gbele mangbo 'dje ani maka suka yi.

Polo ayo bisagu pi omabhuka na gudhu na Tesalonike

¹⁶ A ayo me Ngámá na guo 'ngú-o , ha guo 'ngú pi yi ngae makpe ndu 'kpi hana ne bhú ndu 'ngú hana. A ayo me Ngámá du ne ndu yi hana bhú dabilí bini.

¹⁷ Ngama Polo, ma aye engú na soso inde apa me ma yi yi mayi inde-e ne 'kpa ma makpe. A bhomu-o lele nadele 'kpa ma bhú balua gba ma-o.

¹⁸ A ayo me bádha bhú 'bu gba Ngámá gba ní Yesu Kilisito-o du bhú dabilí bini ne ndu yi hana.